



definitivos que procedan, resolvendo as reclamacións no seu caso presentadas e aprobando a redacción definitiva da modificación da ordenanza fiscal. Se non fora presentada nengunha reclamación, no prazo citado, entenderáse definitivamente adoptado o acordo até enton provisorio, sen necesidade de novo acordo plenario.”

VOTACIÓN E ACORDO.-

Sometido o asunto a votación, o Concello Pleno, en votación ordinaria e por unanimidade dos/as Sres./as Concelleiros/as presentes, sendo once votos a favor (8 do PSdeG-PSOE, 3 do B.N.G.) e dúas abstencións (2 do P.G.), aprobou, nos seus propios termos, o dictame da Comisión Informativa de Facenda e Patrimonio, nos antecedentes transcrito.-

Pola Presidencia dase por rematada a presente sesión, sendo as nove horas e cinco minutos da data fixada no encabezamento, en proba de todo o que, se estende a presente acta, que se inscribiu no Libro dende a volta do folio núm. 112 do Papel Timbrado da Comunidade Autónoma de Galicia, Serie A nº 1503911 ata a volta do folio núm. 116, Serie A nº 1503915, de todo o que, como Secretaria, DOU FE.-

O ALCALDE

A SECRETARIA XERAL

XAIME REI BARREIRO

ANA BEGONA MERINO GIL

SESIÓN ORDINARIA CELEBRADA POLO PLENO DO CONCELLO O DÍA 28 - NOVIEMBRE - 2007

ORDE DO DIA

- 1.- APROBACIÓN DA ACTA DA ÚLTIMA SESIÓN.
- 2.- DAR CONTA DE EXPEDIENTES ADMINISTRATIVOS DE MODIFICACIÓN DE CRÉDITO.
- 3.- NOMEAMENTO DE MEMBRO DA COMISIÓN DE ECONOMÍA E FACENDA E ESPECIAL DE CONTAS DA MANCOMUNIDADE DA ÁREA INTERMUNICIPAL DE VIGO.
- 4.- PRÉSTAMO A LONGO PRAZO 1/07 POR IMPORTE DE 600.000,00 EUROS.
- 5.- ADOPCIÓN DE ACORDOS SOBRE FINANCIAMENTO DA ADQUISICIÓN DUN VEHÍCULO MOTOBOMBA.
- 6.- ACTIVIDADE DE CONTROL DO PLENO:
 - 6.1.- DAR CONTA DE RESOLUCIÓN DA ALCALDÍA E CONCELLEIROS DELEGADOS.



NUMERADO
OPERACIONES
LOCAIS



(Sinatura do Presidente)

Folio N.º

117

Serie A N.º 1503916

6.2.- MOCIÓNS.

6.2.1.- MOCIÓN DO GRUPO MUNICIPAL DO PARTIDO POPULAR, S/ A ÁREA METROPOLITANA DE VIGO.-

6.2.2.- MOCIÓN DO GRUPO MUNICIPAL DO PARTIDO POPULAR SOBRE SEGURIDADE VIAL NO CAMIÑO DO GAIO.-

6.3.- ROGOS E PREGUNTAS.

Na Casa do Concello de Redondela, sendo as vinte horas e trinta minutos do día vinteito de novembro de dous mil sete, baixo a Presidencia do Sr. Alcalde, D. XAIME REI BARREIRO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, D^a. LAURA LAGO ALLER, D^a. MARIA ALBINA REBOREDO SURIS, D. MANUEL IGLESIAS CARRERA, D. CARLOS GONZÁLEZ FERNÁNDEZ, D^a. ISABEL CASTRO PIEDRAS, D^a. FRANCISCA CANAL GÓMEZ, D. JUAN TIZÓN CABALEIRO, D. JOSÉ ALBERTO PAZOS COUÑAGO, D. MIGUEL ANGEL ALVAREZ BALLESTEROS, D^a. HERMINDA QUELLE FERNÁNDEZ, DONA. MARIA LORENA LÓPEZ RODRÍGUEZ, D. CÁNDIDO VILABOA FIGUEROA, D^a. LAURA ALONSO GÓMEZ, D. XOSÉ CARLOS PAZOS DOCAMPO, D^a. MARÍA ANXELES BABARRO FERNÁNDEZ, D^a. ROSA MARIA COSTAS ESTÉVEZ, D. ALEJANDRO BASTOS FERNÁNDEZ, e D. BENIGNO GARCÍA-LUENGO MONTERO, tamén asistiu o Sr. Interventor Xeral do Concello D. MODESTO SOLLA SANZ, actuando como Secretaria a Secretaria da Corporación DONA. ANA BEGOÑA MERINO GIL, constitúese o Pleno do Concello, en sesión ordinaria, conforme á convocatoria e de acordo coa Orde do Día.

Tralo minuto de silencio gardado pola Corporación, en lembranza das vítimas da violencia de xénero, os concelleiros Sres. Bastos Fernández e García-Luengo Montero, anuncian que abandonan a sesión, dado que non están de acordo coas condicións nas que teñen que desenvolver o seu traballo, sen un local para traballar e téndose que sentar no pleno de xeito inaceptable.

A Presidencia declara aberta a sesión, en primeira convocatoria, procedéndose a trata-los puntos da Orde do Día.-

1.- APROBACIÓN DA ACTA DA SESIÓN ANTERIOR.-

Non se formulan observacións, e o Pleno do Concello, en votación ordinaria e por unanimidade dos/as seus membros presentes, sendo dezanove votos a favor (8 do PSdeG-PSOE, 8 do PP, e 3 do BNG), acorda prestar aprobación ao acta da sesión celebrada con carácter extraordinario e urxente o día 8 de novembro de 2007.-

2.- DAR CONTA DE EXPEDIENTES ADMINISTRATIVOS DE MODIFICACIÓN DE CRÉDITO.-

Dada conta dos seguintes expedientes administrativos de modificación de crédito:

- 23/07, aprobado por Decreto da Alcaldía de data 26.10.07, mediante xeración de crédito, por importe de 30.408,00 euros.
- 24/07, aprobado por Decreto da Alcaldía de data 30.10.07, mediante xeración de crédito, por importe de 17.064,17 euros.



- 25/07, aprobado por Decreto da Alcaldía de data 30.10.07, mediante xeración de crédito, por importe de 94.405,12 euros.
- 26/07, aprobado por Decreto da Alcaldía de data 08.11.07, mediante xeración de crédito, por importe de 2.499,44 euros.
- 27/07, aprobado por Decreto da Alcaldía de data 14.11.07, mediante xeración de crédito, por importe de 169.838,09 euros.
- 28/07, aprobado por Decreto da Alcaldía de data 15.11.07, mediante transferencias de crédito, por importe 16.970,80 euros.

Non se formulan observacións, e o Pleno do Concello, dase por enterado dos expedientes administrativos de modificación de crédito anteriormente relacionados.-

3.- NOMEAMENTO DE MEMBRO DA COMISIÓN DE ECONOMÍA E FACENDA E ESPECIAL DE CONTAS DA MANCOMUNIDADE DA ÁREA INTERMUNICIPAL DE VIGO.-

ANTECEDENTES.-

Dictame da Comisión Informativa de Facenda e Patrimonio de data 27 de novembro de 2007, que transcrito di:

“Vista a proposta da Alcaldía, de data 23 de novembro de 2007, que transcrita di:

Visto o escrito remitido pola Mancomunidad da Área Intermunicipal de Vigo, coa finalidade de que se nomee, de entre os vogais no Pleno da Mancomunidad, da Comisión de Economía e Facenda e especial de Contas de dita Mancomunidad.

Á vista do que, esta Alcaldía ten a ben propoñer o nomeamento do concelleiro D. EMILIO GONZÁLEZ IGLESIAS como membro de dita Comisión.

Votación e dictame:

A Comisión informativa de facenda e patrimonio, co voto favorable dos Sres. Concelleiros do Grupo Municipal do PsdeG-PSOE (4), do BNG (2), a abstención do Grupo Municipal do PP (4), e do Grupo Municipal PG (1) dictaminou favorablemente a proposta da Alcaldía antes transcrita.”

INTERVENCIÓNS.-

A concelleira Sra. Canal Gómez, propón o nomeamento da concelleira Sra. López Rodríguez como representante na citada Comisión.

VOTACIÓN E ACORDO.-

Pola Presidencia decídese someter a votación as dúas propostas, resultando con oito votos a favor, os do grupo municipal do Partido Popular (8 do PP) e once votos en contra (8 do PSdeG-PSOE e 3 do B.N.G.) a da Alcaldía, dictaminada favorablemente pola Comisión Informativa de Facenda e Patrimonio. Xa que logo, o Concello Pleno, acorda nomear a D. EMILIO GONZÁLEZ IGLESIAS como membro da Comisión de Economía e Facenda e especial de Contas da Mancomunidad da Área Intermunicipal de Vigo.-





(Sinatura do Presidente)

Folio N.º

Serie A N.º 1503917

4.- PRÉSTAMO A LONGO PRAZO 1/07 POR IMPORTE DE 600.000,00 EUROS.-**ANTECEDENTES.-**

Dictame da Comisión Informativa de Facenda e Patrimonio de data 27 de novembro de 2007, que transcrito di:

“Vista a proposta da Alcaldía, de data 19 de novembro de 2007, que transcrita di:

“Tendo en conta que no estado de gastos do orzamento deste Concello para o ano 2007 figuran previstos diversos gastos en investimentos, financiados totalmente mediante préstamo a longo prazo por importe de 600.000,00 de euros.

Considerando preciso contar co financiamento (mediante préstamo) necesario para realizar diversos investimentos previstos no orzamento deste Concello para o ano 2007; esta Alcaldía proponlle ao Concello Pleno a adopción dos seguintes acordos:

Primeiro.-

Iniciar a tramitación do expediente administrativo correspondente ao préstamo a longo prazo 1/07 por importe de 600.000,00 de euros; préstamo destinado ao financiamento municipal dos seguintes investimentos incluídos no anexo de investimentos do orzamento deste Concello para o ano 2006:

Partida	Destino	Euros préstamo
07 4411A62706	Abastecementos e saneamentos.....	470.000,00
075111A6110	Mellora vías públicas municipais.....	130.000,00

Segundo.-

As características do préstamo 1/07 serán as seguintes:

- * Contía: 600.000,00 de euros.
- * Destino: financiamento das aportacións municipais aos investimentos indicados apartado anterior.
- * Prazo total: 12 anos.
- * Prazo de amortización: 10 anos (do 3º ao 12º anos).
- * Período de carencia: 2 primeiros anos.
- * Amortizacións e xuros: por trimestres naturais vencidos (debendo comunicar o prestamista ao Concello de Redondela, con 15 días hábiles de antelación, os importes correspondentes dos xuros e da amortización, de cada período).
- * Tipos de xuro: tipo variábel, referenciado ao Euribor a un ano máis/menos diferencial ofertado, sen redondeo.
- * Gastos de estudo: exento.
- * Comisión de apertura: exento.



- * Gastos por reembolso anticipado total ou parcial: exento.
- * Comisión de disponibilidad: exento.
- * Calquera outro tipo de gastos: exento, incluídos fedatarios, gastos por cheques, transferencias, correo, apuntes, mantemento, seguro de tipo de xuros, etc.
- * Garantías, avais, efectación de recursos: exento.
- * Disposición do préstamo: o importe do préstamo poderase desembolsar conxunta ou fraccionadamente a petición do Concello de Redondela durante os dous primeiros anos, mediante ingreso nunha conta aberta polo Concello de Redondela na entidade prestamista, devengándose xuros exclusivamente, nos dous primeiros anos, polas cantidades efectivamente aboadas (a petición do Concello) na conta antes citada a partida da data da súa disponibilidad efectiva na mesma.
- * Modelo de contrato: deberase unir á oferta o modelo completo de contrato de préstamo no que queden recollidas (entre outras) tódalas características indicadas no apartado segundo desta proposta; coa indicación expresa da aceptación íntegra e non condicionada de tódalas características do préstamo a longo prazo 1/07.
- * Validez das ofertas: as ofertas deberán ter unha validez mínima até o día 31.12.07.
- * Formalización: dentro dos cinco días hábiles seguintes ao de recepción da notificación do acordo de adjudicación.

Terceiro.-

O Concello de Redondela publicará un anuncio, no Boletín oficial da provincia de Pontevedra, referido ao préstamo a longo prazo 1/07, no que figuren as características do préstamo así como o prazo (13 días hábiles desde a publicación do anuncio) e o lugar de presentación das proposicións; sen prexuízo de cursar invitacións a bancos e caixas de aforro.

Cuarto.-

O expediente administrativo e as ofertas recibidas serán informadas polo Interventor Xeral no Concello de Redondela, correspondendo ao Concello Pleno determinar o banco ou a caixa de aforros co que será asinado o correspondente contrato de préstamo, sen prexuízo de que o Concello Pleno poida acordar, no seu momento, non realizar (total ou parcialmente) o préstamo a longo prazo 1/07.

Votación e dictame:

A Comisión informativa de facenda e patrimonio, co voto favorable dos Sres. Concelleiros do Grupo Municipal do PsdeG-PSOE (4), do BNG (2), a abstención do Grupo Municipal do PP (4), e o voto en contra do Grupo Municipal PG (1) dictaminou favorablemente a proposta da Alcaldía antes transcrita."

INTERVENCIONS.-

O concelleiro señor Pazos Docampo anuncia que o seu grupo apoia a proposta.

A concelleira señora Canal Gómez sinala que o seu grupo vai votar en contra entre outras cousas porque á vista do informe do Interventor ao orzamento xa se facían constar unha serie de reparos cuxa lectura resume. Considera que as cousas xa ían mal cando había un só concelleiro de facenda e agora que hai dous aínda van peor. Indica que a xestión económica do Concello é pouco eficiente e que no municipio non hai servizos nin infraestruturas e o pouco que se fai hai que financiarlo ao 100% acudindo a un crédito. Se manifesta en contra da política económica municipal, na liña do que xa no seu intre apuntou o Consello de



(Sinatura do Presidente)

Folio N.º

Serie A N.º 1503918

Contas e indica que Redondela conta pouco na Xunta e de feito non foron quen de que se incrementara a aportación de 280.000 euros para o auditorio nos orzamentos da Xunta.

O concelleiro señor González Iglesias refírese á aparición en prensa da voceira do PP, cun deputado autonómico do seu partido e di que todo iso amosa que non sabe nada do tema posto que nos orzamentos da Xunta figura somentes a cantidade necesaria para as obras do auditorio no exercicio de 2008 polo que estima que dixeron unha barbaridade ao pedir máis diñeiro para esta cuestión. Di tamén que no presuposto autonómico non aparecen particularizadas as partidas adicadas ás obras de saneamento dos concellos pero pode asegurar que nos 2 anos que leva o goberno autonómico investiron máis que nos 16 anos do goberno popular. Di que no programa electoral comprometéronse a remata-lo saneamento na súa totalidade e o que están a facer é cumprilas súas promesas. Di tamén que o interventor é un técnico que expón o que considera de acordo coa lei pero os que se presentan ás eleccións e toman decisións son eles. Sinala que de onte a hoxe a voceira do PP aprendeu polo menos que o informe do interventor en relación a esta cuestión xa figuraba no do presuposto.

O concelleiro señor Pazos Docampo di que esgrimir o informe do interventor para según qué cosas pode traer problemas. Considera que a voceira do PP debería enterarse para poder falar da situación económica do Concello posto que a débeda é menor ao remata-lo exercicio con respecto aos seus inicios. Pregúntase se acaso se entera do que di e lle parece que non cuestiona o crédito e que non se está a falar de ningún gasto supérfluo.

A concelleira señora Canal Gómez indica que o señor Pazos Docampo si criticaba hai tempo a situación económica do Concello e lle parece que tampouco o voceiro do BNG entende nada do que ela di. Sinala que fixeron moitas promesas, como residencia, centro de día...etc., que non cumpren e que a Casa do Concello é un exemplo de instalacións obsoletas e totalmente inaxeitadas, sen as mínimas condicións. Insiste en que a Xunta non conta co goberno de Redondela, que non ten nin capacidade para presentar enmendas e indica que cando gobernaba o PP se fixo a piscina, o multiusos e moitas máis cousas. Di que se os informes dín que algo non procede legalmente isto é así porque tamén hai que cumprilas leis. Reitera que non hai planificación nin se programan actividades de ocio para os xoves nin outros servizos.

O Sr. Alcalde interrumpea afirmando que a señora Canal Gómez, está a falar de todo, como si isto fora un debate do estado do Concello e que se quere facelo non hai ningún problema en convocar anualmente unha sesión con esta finalidade.

A concelleira señora Canal Gómez remata reafirmando no seu voto en contra porque estima que ten que haber unha maior planificación previa, tal e como se indica no informe do interventor.

O concelleiro señor González Iglesias di que o PP pasou anos dicindo que él levaba ao Concello á bancarrota e, pasou o tempo e resulta que Redondela sempre tivo uns números moi decentes, cousa que non pode dicir dos 3 anos nos que gobernou o PP, cando somentes aprobaron un presuposto, o único que se fixo con liquidación negativa e pediron o crédito máis alto da historia do Concello a interese fixo, cando estaban baixando en picado os tipos de interese. Pídelle á voceira do PP máis seriedade porque os multiusos de Redondela e Chapela foron un desastre e meteron auga dende o primeiro día. Reitera que eles van a cumprilos seus compromisos electorais aínda que non quera a oposición.

VOTACIÓN E ACORDO.-

Sometido o asunto a votación, o Concello Pleno, en votación ordinaria e por maioría dos/as Sres./as Concelleiros/as asistentes, sendo once votos a favor (8 do PSdeG-PSOE, e 3 do B.N.G.), e oito votos en contra (8 do PP), aprobou, nos seus propios termos, o dictame da Comisión Informativa de Facenda e Patrimonio, nos antecedentes transcrito.-

5.- ADOPCIÓN DE ACORDOS SOBRE FINANCIAMIENTO DA ADQUISICIÓN DUN VEHÍCULO MOTOBOMBA.-

ANTECEDENTES.-

Dictame da Comisión Informativa de Facenda e Patrimonio de data 27 de novembro de 2007, que transcrito di:

“Vista a proposta da Alcaldía de data 22 de novembro de 2007, que transcrita di:

“Tendo en conta a necesidade urxente de contratar o subministro dun vehículo motobomba.

Tendo en conta que o subministro citado conta cunha subvención de 42.000,00 euros da Xunta de Galicia, (partida 072232A62700 do estado de gastos do orzamento do Concello de Redondela para o ano 2007) e precisa dunha aportación municipal de 47.935,00 euros.

Tendo en conta que na partida 07223RI76200 existe crédito procedente dun remanente incorporado financiado con ingresos obtidos pola da enaxenación de patrimonio municipal do solo, por importe de 18.000,00 euros destinados a “Vehículo contra incendios, 6/07”.

Tendo en conta que o día 04.10.01 o Concello de Redondela asinou co “Banco Español de Crédito, S.A., Banesto” o préstamo 1/01 por importe de 727.224,65 euros dos que 300.506,05 están destinados a “Expropiacións zona industrial” (partida 07721RI68000 procedente dun remanente incorporado) que non será preciso utilizar no ano 2007 pola contía incorporada.

Esta Alcaldía propónlle ao Concello Pleno a adopción dos seguintes acordos:

Primeiro.-

Destinar os 18.000,00 euros incorporados como remanente para un vehículo contra incendios, mediante unha futura transferencia de capital, capítulo 7 (partida 072223RI76200) á adquisición dun vehículo motobomba mediante investimento real, capítulo 6; variando parcialmente o expediente administrativo de modificación de crédito 6/07:

Partida Actual	Destino	Nova	Euros	partida	Destino	Euros
07223RI76200	Vehículo contra incendios.....	18.000,00	07223RI62700	motobomba	18.000,00	

Segundo.-

Novar parcialmente o préstamo 1/01 asinado o día 04.10.01 con Banesto, cambiando parcialmente o seu destino da seguinte forma:

Destino actual	Euros	Novo destino	Euros
Expropiacións zona Industrial	300.506,05	Vehículo motobomba	29.935,00

Terceiro.-

Comunicar a Banesto a novación do préstamo 1/01.



(Sinatura do Presidente)

Folio N.º

Serie A N.º 1503919

Cuarto.-

Modificar parcialmente o expediente administrativo 6/07 mediante incorporación de remanentes de crédito por importe de 1.707.810,30 euros cambiando parcialmente a contía e o destino do remanente de 300.506,05 consonte ao indicado no apartado segundo”.

Votación e dictame:

A Comisión informativa de facenda e patrimonio, co voto favorable dos Sres Concelleiros do Grupo Municipal do PsdeG-PSOE (4), do BNG (2), a abstención do Grupo Municipal do PP (4), e do Grupo Municipal PG (1) dictaminou favorablemente a proposta da Alcaldía antes transcrita.”

INTERVENCIÓNS.-

A concelleira señora Canal Gómez maniféstase a favor da proposta por canto Redondela merece dispor dun vehículo mellor co existente que resulta totalmente anticuado, cousa que se puxo de manifesto co problema dos incendios o ano pasado.

O concelleiro señor González Iglesias dí que o vehículo fora regalado cando gobernaba González Laxe e agora a Xunta pon o 50% do custe, o que amosa novamente o seu criterio de que a Xunta non fixo nada en 16 anos.

VOTACIÓN E ACORDO.-

Sometido o asunto a votación, o Concello Pleno, en votación ordinaria e por unanimidade dos/as Sres./as Concelleiros/as asistentes, sendo dezanove votos a favor (8 do PSdeG-PSOE, 8 do PP e 3 do B.N.G.) aprobou, nos seus propios términos, o dictame da Comisión Informativa de Facenda e Patrimonio, nos antecedentes transcrito.-

6.- ACTIVIDADE DE CONTROL DO PLENO:**6.1.- DAR CONTA DE RESOLUCIÓNS DA ALCALDÍA E CONCELLEIROS DELEGADOS.-**

O Concello Pleno dase por enterado do contido das Resolucións da Alcaldía e dos Concelleiros Delegados dende o día 25 de outubro ó 23 de novembro de 2007.-

6.2.- MOCIÓNS:**6.2.1.- MOCIÓN DO GRUPO MUNICIPAL DO PARTIDO POPULAR, S/ A ÁREA METROPOLITANA DE VIGO.-****ANTECEDENTES.-**

O Grupo Municipal do Partido Popular, ante a situación que se está debatindo sobre a Área Metropolitana de Vigo, manifesta e insiste en reclamar o acordo da creación dunha área metropolitana integrada por 14 concellos como reflexa o anteproxecto de lei impulsado polo anterior goberno da Xunta.

En data 20 de marzo de 2006, os Alcaldes da Mancomunidade da Área Intermunicipal de Vigo, nunha reunión extraordinaria e urxente celebrada no Concello de Vigo, acordaron reiterar a súa conformidade e apoio

ó texto referente ó anteproxecto de Lei da área metropolitana de Vigo consensuado co anterior goberno da Xunta que integraba ós Concellos de Vigo, Nigrán, Baiona, Fornelos de Montes, Gondomar, Pazos de Borbén, Mos, O Porriño, Reondela, Salceda de Caselas, Salvaterra de Miño, Soutomaior, Cangas e Moaña (os doce Concellos que integran a Mancomunidade e Cangas e Moaña).

O grupo municipal do Partido Popular no Concello de Redondela recorda que o anteproxecto de Lei da Área Metropolitana está avalado por estudos sobre mobilidade, transporte, economía, e por ponencias dos secretarios e interventores dos concellos e dictámenes xurídicos e se sitúa nos termos reais de extensión e demografía que demanda a unificación de servizos entre Iso concellos mencionados.

Consideramos que a área metropolitana ten que nacer co rigor que demanda o proxecto, sen perxuízo de que, nun futuro poida abrirse á participación de máis Concellos.

Volver a debatir o anteproxecto cando o actual contou co acordo maioritario e independente dos alcaldes de distinta ideoloxía (P.P., B.N.G. e PSOE) dos Concellos produciría unha demora de anos a constitución da área metropolitana, unha demora que perxudicaría sobre todo ós cidadáns da futura área metropolitana.

Por todo o exposto, solicitamos ó Pleno do Concello que adopte o seguinte acordo:

Reiterar, tal e como se acordo na reunión dos 14 alcaldes, celebrada en Vigo en marzo de 2006, a súa conformidade e apoio do texto referente ó anteproxecto de Lei de Área Metropolitana de Vigo, consensuada polos Alcaldes de Redondela, Vigo, Nigrán, Baiona, Fornelos de Montes, Gondomar, Pazos de Borbén, Mos, O Porriño, Salceda de Caselas, Salvaterra de Miño, Soutomaior, Cangas e Moaña co anterior Goberno da Xunta de Galicia."

INTERVENCIÓNS.-

O concelleiro señor Pazos Docampo lembra que a idea da área metropolitana foi impulsada en Vigo, cando gobernaba o BNG, aínda que despois pola Xunta se formulou un proxecto de lei no que aparecía unha institución desnaturalizada e cáseque sen competencias. Lle parece que o PP non foi quen de facer unha proposta ou un prantexamento serio e dí que o tema da área metropolitana debería tender ao establecemento dunha nova organización territorial do espazo ao que afecta tomando ao mesmo tempo decisións como a de suprimir institucións sen sentido como as deputacións provinciais. Sí estarían dispostos a votar a favor caso de que acepten unhas enmendas á moción consistente en:

a).- Que se axilice a aprobación no ámbito parlamentario do instrumento normativo que permita a constitución da área metropolitana de Vigo, aproveitando para isto os traballos desenvolvidos pola mancomunidade da área intermunicipal de Vigo.

b).- Que dita área sexa concebida como unha entidade territorial de ámbito supramunicipal coas competencias e potestades propias das entidades locais ou transferidas por outras administracións e con recursos e fontes de financiamento suficientes.

c).- Que a regulación das áreas metropolitanas vaia acompañada dun proceso de mudanza na organización territorial e institucional do país, acaída á súa realidade socioeconómica e política que se sustenta nos concellos, comarcas e áreas metropolitanas.

A concelleira señora Canal Gómez dí que non van a modificar nada na moción.

O concelleiro señor González Iglesias dí que están dispostos a votar a favor coa enmenda do BNG. Sinala que o primeiro intento de facer unha area metropolitana foi no ano 89 aínda que logo o PP a paralizou e despois retomouna o Sr. Castrillo dende o Concello de Vigo, pero a Xunta encargouse de torpedear-la operación, polo que considera que se hai algún responsable de que aínda non funcione é precisamente o PP, cecais porque era a única entidade que podía acceder aos fondos europeos ao marxe da Xunta. Pensa que agora

(Selo da Corporación)

(Sinatura do Presidente)

Folio N.º



Serie A N.º 1503920

que se minoran os fondos e cando cambian de postura. Sinala que non é unha cuestión de 14 ou 28 senón que debe estudiarse a fondo e o grupo socialista de Redondela sí valora positivamente o criterio do presidente da Xunta, que recolleu tamén o Alcalde de Pontevedra ao falar dunha posible área Pontevedra Vigo, da que Redondela se convertería en eixo natural.

A concelleira señora Canal Gómez dí que tal postura é incongruente coa adoptada pola Mancomunidade de Vigo o 20 de marzo de 2006 na que debeu de estar presente o Sr. Alcalde de Redondela. Tamén dí que lle resulta curioso que o voceiro do BNG poña en tela de xuízo ás deputacións provinciais, cousa que non fixo cando era deputado.

O Sr. Alcalde dí que na Mancomunidade non se acadou ningún acordo porque non procedía tal, somentes tramitar unha proposta para que pola Xunta se estudiara o tema, xa que por exemplo a cuestión económica non estaba dabondo precisada e era un tema moi importante.

O concelleiro señor Pazos Couñago solicita a palabra, denegándollela o Sr. Alcalde, quen dí que o turno de palabra xa foi consumido pola voceira do seu grupo. O concelleiro pide que conste en acta a súa protesta.

VOTACION E ACORDO.-

Sometida pola Presidencia a votación a presente Moción, o Concello Pleno, en votación ordinaria e por maioría dos/as Sres./as Concelleiros/as asistentes, sendo oito votos a favor (8 do PP) e once votos en contra (8 do PSdeG-PSOE, e 3 do B.N.G.), rexeitou a moción do Grupo Municipal do PP, nos antecedentes transcrita.-

6.2.2.- MOCIÓN DO GRUPO MUNICIPAL DO PARTIDO POPULAR SOBRE SEGURIDADE VIAL NO CAMIÑO DO GAILO.-

ANTECEDENTES.-

Moción presentada polo Grupo Municipal do Partido Popular con data 26 de novembro de 2007, que transcrita dí:

“Coa mellora do camiño da Bruxa e do camiño do Gailo os coches agora circulan a unhas velocidades demasiado altas para o tipo de viais que son. A perigosidade é aínda moito máis grande dada a cantidade de xente que por eses camiños vai a pasar e máis aínda coa gran cantidade de nenos que a cruzan o camiño do Gailo nas inmediacións do campo de fútbol. Como queira que non se respetan as sinais de velocidade que xa están postas e dado a alta perigosidade, propónse:

Que se acorden e se poñan en funcionamento unha serie de medidas para evitar no máximo posible os riscos para os peóns. As accións máis urxentes que este grupo municipal propón, son as seguintes:

- Bandas reductoras de velocidade.
- Mellora do alumado, principalmente a zona do aparcamento diante do campo de fútbol.
- Pintado da zona do aparcamento diante do campo e marxes do camiño.
- Colocación dun paso de peóns elevado.
- Xestión co Concello de Vigo para a sinalización viaria nos límites entre Vigo e Redondela (zona canceira, cemiterio, etc.).”

INTERVENCIÓNS.-

O concelleiro señor Pazos Docampo dí que as cousas de Vigo debe solventalas Vigo e as de Redondela, Redondela e que en xeral é máis partidario doutras medidas como pasos de peóns...etc. menos complicadas que a de facer pasos elevados e outros que se recollen na proposta.

O concelleiro señor González Iglesias dí que se estamos a falar de bandas elevadas sobre o pavimento hai que ter en conta a VITRASA, posto que cando se poñan, o mesmo deixan de pasar por ahí, e costou moitísimo que os autobuses fixeran esa ruta. Dí que o de marcar o aparcamento non é unha cuestión de seguridade vial así como o do alumado.

O concelleiro señor Alvarez Ballesteros dí que non se lle entendeu ben dado que o que propón é que se pinten os pasos de peóns por riba das bandas reductoras xa que o importante é conqueri-la seguridade das persoas e solucións como as propostas existen noutros puntos.

VOTACION E ACORDO.-

Sometida pola Presidencia a votación a presente Moción, o Concello Pleno, en votación ordinaria e por maioría dos/as Sres./as Concelleiros/as asistentes, sendo oito votos a favor (8 do PP) e once votos en contra (8 do PSdeG-PSOE, e 3 do B.N.G.), rexeitou a moción do Grupo Municipal do PP, nos antecedentes transcrita.-

6.3.- ROGOS E PREGUNTAS:

A concelleira D^a. Erminda Quelle Fernández, formula os seguintes rogos:

-- Que como sobradamente coñece o Goberno Municipal, os veciños de Cabanas e Rande levan anos solicitando a instalación de semáforos e pasos de peóns na EN-552 ao seu paso por estes núcleos de poboación. Nembargantes, a ineficacia demostrada por dito goberno municipal en orde á satisfacción de ditas peticións, provocou que a día de hoxe teñamos que seguir lamentando atropelos e accidentes de diversa índole nos citados tramos, debido á total ausencia de medidas de seguridade para os peóns, que se miran obrigados a poñer as súas vidas en perigo para atravesar a rúa.

Así pois, a inactividade municipal conseguiu que atravesar a EN-552 en ditos puntos se convertira en todo un desafío á axilidade e paciencia dos peóns, sendo extraordinariamente grave no caso de maiores, persoas con mobilidade reducida e nenos. E todo isto sen olvidar que as sinais verticais limitadoras de velocidade non contribuíron en nada a mellorar unha situación cualificada xa polos propios afectados de "insoportable e insostible".

É por isto, que á vista das graves consecuencias derivadas desta situación e ante a urxencia da adopción das medidas peticiónadas, roga:

Que, en cumprimento de ditas demandas veciñais, por parte do goberno municipal se realicen e axilicen as xestións oportunas para que se proceda á inmediata colocación de semáforos con pulsador e pasos de peóns na EN-552, alomenos nos seguintes puntos: Barrio de Cabanas, Rande á altura da gasolinera e Rande á altura do denominado "Tesoro de Rande".

Respóstalle o Sr. Alcalde que se fixeron xa as xestións ante Fomento en varias ocasións e que o problema é que Fomento da prioridade aos coches nas suas estradas.

-- Que con motivo das obras de ampliación da EN-552 foi retirada unha marquesina de titularidade municipal situada nas proximidades da gasolinera de Rande, ó lado dereito da calzada en dirección Vigo-Redondela, bastando, para a súa reposición, coa cesión dunha franxa de terreo por parte dun veciño colindante e a execución dun pequeno muro por parte do Concello de Redondela.

Pois ben, o particular afectado fai tempo que accedeu a realizar dita cesión de terreo, mentras que o Goberno Municipal leva un ano e medio excusando a falta de execución do muro nas inexplicables dificultades con que se ven atopando para conseguir os medios persoais necesarios para a realización de dita obra, e elo a pesar de que os propios veciños ofreceron a súa colaboración en reiteradas ocasións en orde á búsqueda dun terceiro que legalmente se encargue de levala a cabo; opción tamén inválida para os responsables do Goberno Municipal.



(Selo da Corporación)

(Sinatura do Presidente)

Folio N.º

Serie A N.º 1503921

É por isto que, atendida a simplicidade das obras a realizar e o tempo dabondo con que contou o Goberno Municipal para executalas, a única causa que pode explicar o excesivo retraso na colocación de dita marquesina é a falta de vontade dos responsables do Goberno Municipal, en vista do que, roga:

Que sen máis dilacións procedan, previa execución dos trámites e obras necesarios, á inmediata reposición da mencionada marquesina.

Respóstalle a concelleira señora Lago Ayer que a obra non é realmente sinxela, senón de certa transcendencia e que esperan que empece na semana despois da ponte.

A concelleira D^a. Lorena López Rodríguez, formula os seguintes rogos:

Que dadas as singularidades que ofrece a baixada de San Telmo, en Chapela, en canto ao tramo que discorre en pendente por unha zona residencial e con especial presenza, na súa unión coa praia de Arealonga, de nenos e transeúntes, e á vista do inadecuado uso que de dito vial realizan habitualmente algúns conductores ó circular por esta zoa cun acusado exceso de velocidade que pon en perigo a vida de peóns e residentes, roga:

Que, coa maior brevedade, o Goberno Municipal proceda á colocación, nos lugares precisos de dito vial, dos pasos de peóns elevados necesarios para garantir a circulación de vehículos a velocidade reducida, de modo que a adopción desta medida contribúa non só á seguridade da zoa senón tamén ó descanso dos alí residentes.

Respóstalle o señor González Iglesias que di que esa rúa ten unhas boas beirarruas e, en todo caso, debería dirixir o rogo á Deputación Provincial, xa que a vía aínda non foi cedida ao Concello.

-- Que tal e como puxemos de manifesto en anteriores ocasións, resulta necesario mellorar os accesos da praia de Cabanas, dado que os veciños deben atravesar unha dobre vía de ferrocarril, sen ningunha protección e con paso continuo de tréns en ámbalas dúas direccións, para acceder tanto á zoa de baño como ás vivendas existentes no seu entorno. A urxencia por por fin a esta situación ven dado por unha dobre circunstancia; dunha parte, por tratarse dunha zoa que, carecendo de medida de seguridade algunha para os peatóns, resulta frecuentemente transitada ó non existir unha alternativa a dito paso para acceder á praia; e por outro lado, ó terse denegado a Consellería de Sanidade a consideración de "zoa de baño habilitada" precisamente polo perigo que supón para os seus usuarios atravesar a dobre vía férrea; denegación que, presumiblemente se prolongará en sucesivos anos, en tanto o goberno municipal non habilite un acceso seguro.

É por isto que, para solucionar unha situación de perigo que os veciños levan anos sufrindo baixo a pasividade municipal, roga:

Que, polo goberno municipal, se realicen con urxencia as xestións oportunas para dotar á zoa de Cabanas das medidas de seguridade necesarias para que os veciños poidan atravesar a vía do ferrocarril e acceder á praia sen por en perigo a súa vida e integridade física, informando, así mesmo, á Consellería de Sanidade das medidas adoptadas ós efectos de que o vindeiro ano dita praia poida ter a condición de "zoa de baño habilitada" por estar garantizada a seguridade dos seus accesos.

Toman nota do rogo relativo aos accesos á praia de Cabanas.

O concelleiro D. Miguel Angel Alvarez Ballesteros, formula as seguintes preguntas:

-- No Pleno Ordinario do pasado mes de setembro se aprobou por unanimidade un orzamento especial para o arranxo dos parques infantís que se atopaban nun lamentable estado de conservación. Dado o estado precario e perigoso no que se atopan algunhas destas instalacións e que ata o de agora non se fixo casi nada ó respecto, agás cortar os fentos nalgún deles.

¿Qué medidas se tomaron para melloralos?

¿Por qué aínda non se arranxaron ou substituíron os xogos que están a provocar un grave risco para a seguridade dos nenos?

O señor Pazos Docampo contéstalle sinalando que non sabe que se aprobara ningún orzamento especial e que non hai ningún parque que teña elementos perigosos e, se os hai, os concelleiros deben avisar antes de sacalo na prensa.

-- Na sesión ordinaria do pleno do Concello de Redondela do pasado 30 de novembro do ano 2006 e fora da orde do día, "previa declaración de urxencia, acordada en votación ordinaria e por unanimidade dos presentes, o pleno tratou tamén o seguinte asunto:

PROPOSTA DENOMINACIÓN VIAIS E CAMBIO DE DENOMINACIÓN DOUTROS EN PARROQUIAS DO CONCELLO.

Como queira que xa posou un ano e despois de que este concelleiro rogara por dúas veces que se adoptarn medidas urxentes para a revisión e posta en funcionamento a nova denominación dos camiños e que aínda en Chapela non se rematou esta tarefa comenzada no mesde agosto, PREGUNTO:

¿Por qué motivo está parada a posta en marcha da denominación dos camiños?.

¿Cáles son os problemas ou atrancos ó respecto?

Resposta a señora Lago Aller dicindo que houbo un problema coas persoas que estaban a facer o traballo pero esperan continuar cos traballos próximamente.

-- Os marxes das vías do tren están a ofrecer un aspecto noxento pola gran cantidade de maleza sen cortar así como, silveiras, canas,... Isto ademáis provoca que a xente menos sensible coa limpeza e o medio ambiente tire o lixo e "todo o que lle sobra" á veira das vías e no medio desta maleza. O mesmo tempo provoca cheiros, proliferación de ratas e un impacto visual e ambiental nada desexado.

Casos a vista de todos, e denunciados polos veciños neste Concello, estanse a dar na zona de Cubillón en Chapela, na Avenida de Vigo (entre o Bar Nando e Restaurante o Canario) e en xeral o longo de todo o percorrido das vías polo Concello. ROGO:

Que se lle esixa a empresa ADIL a limpeza e conservación dos marxes das vías ferreas que atravesan o noso Concello para evitar o antes exposto.

Respóstalle o señor Pazos Docampo dicindo que esta entidade está a limpar cando se lle require pero ás veces, ten que limpar o Concello porque a xente bota lixo por riba do peche e iso non é unha circunstancia que se lles poida imputar a eles..

O concelleiro D. José Alberto Pazos Couñago, formulada os seguintes rogos e preguntas:

--Tendo finalizado o periodo de presentación de alegacións relativas á solicitude de concesión de autorización medioambiental integrada realizada pola empresa radicada en Punta Chapelisa, e denominada AUCOSA, vimos en formular as seguintes preguntas:

¿Presentou o Concello de Redondela alegación algunha a este respecto?.

No caso de resposta afirmativa, ¿cal foi o sentido da mesma?.

Resposta o señor Pazos Docampo dicindo que o Concello debe tramitar as licencias e son os grupos ou os interesados os que deben presentar alegacións.



(Selo da Corporación)

(Sinatura do Presidente)

Folio N.º

Serie A N.º 1503922

-- No último Pleno ordinario celebrado, e contida no corpo dunha moción relativa ó roubo perpetrado nas instalacións do Clube de Remo de Chapela, este concelleiro pregunta pola realidade dunhas informacións que nos chegaron relativa ó roubo de vehículos de particulares custodiados en instalacións municipais e baixo a responsabilidade desta institución municipal. Dado que ata o día da data, dita pregunta non se contestou, hoxe nos miramos obrigados a reiterala, e por iso vimos en formular a seguinte PREGUNTA:

¿Se roubaron vehículos de particulares que estaban sendo custodiados nas instalacións municipais anexas ó Clube de Remo de Chapela?

Resposta o señor Reguera Ocampo e di que aínda que houbo algunha sustracción hai que ter en conta que os vehículos xa non eran de particulares dado que ao levar máis de dous meses no depósito consideranse legalmente abandonados.

--Con motivo da celebración o pasado venres dun acto en apoio das mulleres maltratadas e de repulsa á situación causa pola violencia de xénero, os membros do grupo municipal do Partido Popular puideron comprobar unha vez máis que non son informados convenientemente das convocatorias de eventos organizados polo Goberno Municipal. Por todo elo formulamos as seguintes PREGUNTAS:

¿Considera razoable o goberno que a oposición teña coñecemento deste tipo de eventos a través da prensa?

¿Considera razoable o goberno que non se comunique á oposición a convocatoria dun acto no que se solicita a unidade de todos fronte á violencia de xénero?

¿Decidiu o Goberno Municipal que no futuro sexa a prensa o modo habitual de comunicar este tipo de eventos ós membros do Grupo Municipal do Partido Popular?

¿Obedece esta situación a un modo de actuar consciente por parte do goberno?

En caso contrario, ¿de quen é a responsabilidade deste inaceptable comportamento?

¿Tomou a Alcaldía algún tipo de medida para que esta situación non se repita no futuro?

Resposta o señor Pazos Docampo dicindo que cecais avisaron tarde e houbo un pequeno desliz neste sentido.

-- A pasada semana, como consecuencia das choivas que sufriu Redondela, prodúxose a aparición dunha grande balsa de auga na rúa Ribeira, causando inundacións que afectaron a algún establecemento comercial da zona e puxeron en risco de sufrir danos a outros varios, e por iso vimos en formular as seguintes PREGUNTAS:

¿Ten o Goberno Municipal coñecemento desta situación?

¿Coñece o Goberno Municipal cales son as causas de que se producira esa situación?

¿Se realizou algunha xestión para reclamar á empresa executante das obras de humanización realizadas na zona afectada, pola responsabilidade derivadas dos posibles defectos constructivos que presentan esas obras?

¿Tomouse algunha medida encamiñada a corrixir esta situación e evitar que volva a repetirse no futuro?